

揚  
州  
畫  
苑  
錄

揚州畫苑錄卷三

儀徵汪鋈研山齋

流寓

馬驤江西人工山水有元人矩矱爲揚州清軍同知州

畫苑錄

畫徵續錄驤江西人工山水有元人矩矱用筆細秀  
氣味古逸不可沒也驤曾爲揚州司馬故邗上猶有  
遺蹟

查士標字二瞻號梅壑散人與華亭同干支又號後乙  
卯生休甯人居江都性迂家多古銅器及宋元人真跡

書法華亭畫初學倪高士後叅以梅花道人董文敏與  
孫逸汪之瑞釋宏仁稱四家延王石谷至其家乞潑墨  
作雲西雲林大癡仲圭四家筆法蓋有所取資也晚年  
不遑姬侍曉起最遲凡應酬臨池揮灑必於深夜不以  
爲苦而筆更超邁真窺元人之奧作獅子林冊宋漫堂  
寶之爲立傳並序其詩年八十四葬西山俞家橋山麓  
後百年查觀察淳訪其墓爲之封樹焉

同上

畫徵錄士標字二瞻號梅壑散人海陽人前明諸生  
尋棄舉子業專事書畫家故饒裕多彝鼎及宋元人  
真蹟遂精鑒別畫初學倪高士後叅以梅花道人董

文敏筆法用筆不多惜墨如金風神嬾散氣韻荒寒  
逸品也見王石谷畫愛之延至其家乞其潑墨作雲  
西雲林大癡仲圭四家筆法蓋有所資取也晚年技  
益超邁直窺元人之奧嘗作獅子林冊宋漫堂得之  
爲快年八十四卒於維揚漫堂爲立傳並序行其詩  
二瞻性疎嬾嗜卧或日晡而起畏接賓客蓋有託而  
逃焉先時有王額者或曰卽  
安瀨村貴甚擁高資人翼一見  
不可得三顧二瞻終不答無何王敗人以是服其先  
見生平無疾言危論見後輩書畫必獎譽之故名高  
而人不忌與同里孫逸狂之瑞釋宏仁稱四大家書

法純學華亭足以亂真

又孫逸字無逸號疎林海陽人流寓蕪湖山水兼法  
南北宗各家人以爲文待詔後身歛令靳某所雕歛  
山二十四景是其筆也

又汪之瑞字無瑞休甯人氣宇軒昂豪邁自喜土苴  
軒冕有不可一世之概善山水以懸肘中鋒運渴筆  
焦墨多麻皮荷葉等皴愛作背面山酒酣興發落筆  
如風雨驟至終日可得數十幅興盡僵卧或屢日不  
起非其人望望然去之雖多金不屑也嘗言畫能疎  
能密有奇有正方爲好手又曰厚不因多薄不因少

皆畫家名言字學李北海生勁可喜不愧爲李周生  
高弟也

又宏仁字漸江休寧人本姓江名韜字六奇前明諸  
生甲申後爲僧嘗居齊雲山工詩文山水師倪雲林  
新安畫家多宗清閼法蓋漸師導先路也歿後友人  
於其墓種梅數百本因稱爲梅花古衲云

張宗蒼字默存一字墨岑號篁村吳縣人山水出黃尊  
古之門以畫供奉

內庭

同上

畫徵續錄宗蒼字默存一字墨岑號篁村吳縣人善

山水出黃尊古之門用筆沈着山石皴法多以乾筆  
積累林木間亦用淡墨乾擦湊合神氣頗覺葱蔚可  
觀以主簿銜理河工事乾隆十六年以畫冊進特授  
戶部主事年七十餘以老歸終於家

蔡嘉宇松原丹陽人花卉山石翎毛稱逸品予嘗於黃  
園觀所畫扇面豆棚閒話圖村落溪山茅屋里舍人物  
鬚眉神理具足

同上

整按嘉宇松原號雪堂又號朱方老民丹陽人善青  
綠山水凡人物花鳥蟲魚無不精妙入古善詩工草  
書少卽爲江都老詩人朱冕所賞并贈五律一韻三

首中有狂襟捉海月渴筆飲江霞又畫本無爲法詩  
當老作家之句其見重於詩畫老手如此筆墨可知  
又聞倪研田先生云嘉幼習銀工不屑就棄而學畫  
年未三十卽得名所居高寒舊館在城東大草巷宗  
家句曾鈔松原題跋一卷非尋常畫人所能知亂後  
失去

鮑楷字端人號棠村又號去邪子嘉興人遷居揚州少  
工花草師法南田後客沈凡民署畫山水不用稿疎朗  
秀潤得古人意

同上

國朝畫識所引秋山讀畫錄余得黃山鮑楷山水一



幅上題云此幅得石濤顧知輩遺法所謂鹵莽求筆者也至上幅山峯陡立夾出飛瀑而以淡墨遠山包裹此是古人膽識恐不知者忽之予特爲表出此乾隆癸酉春日彌伽居士張庚所拔也

孫人俊字瑤原江甯人以畫驢得名山水學巨然畫古樹皴染得古人法則

同上

汪士慎字近人工八分書畫花卉與張乙僧金勛齊名

同上

阮文達公廣陵詩事士慎又字巢林嗜茶老而目瞽然爲人畫梅或作八分書工妙勝於未瞽時閱廉風

贈句云客至煮茶燒落葉人來將米乞梅花有巢林  
集五卷自書付刻世甚重之

畫徵續錄張乙僧字西友嘉定人庠生工花草取致  
雅逸尤長墨梅

又時有專工墨梅者休甯金勗字達三號雪圃筆力  
老幹脫去時習以質遷往來四方行笈中藏名人筆  
墨暇卽展翫興至卽畫遇投契者贈之非其人不輕  
與片紙

金農字壽門號冬心仁和人從事於畫涉筆卽古脫畫  
家之習畫竹師石室老人號稽留山民畫梅師白玉蟾

號昔耶居士畫馬自謂曹韓法趙王孫不足道也畫佛  
象號心出家庵粥飯僧花木奇柯異葉設色非復塵世  
間所睹蓋皆意爲之而託爲貝多龍窠之屬

同上

蔣寶齡墨林今話冬心先生金農字壽門錢塘布衣  
少與石貞石陳竹畦丁鈍丁以詩文相淬厲尤癖於  
古收儲金石之文不下千卷中歲曾遍游齊魯燕趙  
秦晉楚粵間無所遇歸妻亡遂寄居維揚賣書鬻自  
給書工八分小變漢人法後又師國山及天發神識  
兩碑截豪端作擘窠大字甚奇亦精篆刻所作甚少  
畫兼人物花卉而於梅竹尤工張瓜田云冬心精鑒

賞年五十始從事於畫涉筆卽古脫畫家之習良由  
所見古蹟多也平生善作多銘贊雜文歿後散佚弟  
子羅聘搽羅編爲一集嘗蓄一龜大如錢甲上綠毛  
爛斑如古銅又蓄一洋狗名阿鵲每食必設肉鵲飼  
之後阿鵲死爲詩哭之無子手鈔其詩付女收藏題  
七絕句其一首云卷帙編完頭髮疎中郎有女好收  
儲帽箱剝落經籀敝莫損嚴家餓隸書論者咸謂其  
詩苦硬清峭雕琢極精品與山谷爲近

黃慎字躬懋號癡瓢福建人師上官周爲工筆人物久  
寓揚州晚年以粗筆畫仙佛徑丈許其工筆不可多得

也題句法二王草書

同上

又閩南黃癭瓢慎字恭懋擅三絕之譽初學上官竹  
莊爲工細人物山水僑寓維揚王已山先生稱其詩  
書皆有物外趣晚年專以麤筆畫仙佛工草法師二  
王極古勁之致復工詩雷翠庭先生又謂其詩如巉  
崑絕巖烟凝靄集總非凡境如殘荷云寒衣欲寄厚  
裝棉節近重陽又一年怕上湖亭蕭瑟甚漫天風露  
卸秋蓮芍藥云櫻桃初熟散榆錢又是揚州四月天  
昨夜草堂紅藥破獨防風雨不成眠雍正八年復奉  
母歸閩

汪師虞字樵水湖北人畫牡丹稱逸品

同上

奚岡字鐵生浙江錢塘人往來揚州畫山水得唐宋人

筆意

同上

墨林今話奚徵君鐵生詩書畫三絕天分學力悉異常流九歲作隸書及長工行草篆刻於畫尤精心孤詣力追前人山水自元四家而上溯董巨下逮思翁烟客廉州麓臺諸公萃其逸韻自成一格竹石花卉亦超雋得元人法少卽見賞於杭堇浦吳西林先生四十後名益噪爲人豪邁不羈與人交披露肝膽能周人之急尤豪於飲往往酣嬉淋漓酒氣從襟袖間

出同席皆倦君方左右叫喚不休或稍避之則怒以  
是人目爲酒狂晚年疊遭家難家復燬於火今畫中  
用丙後之作四字小印者皆火後作也旣而又遭母  
喪遂憂鬱死初汪稼門任浙藩時以孝廉方正徵辭  
不就阮文達公及秦小峴觀察招致亦不往見其天  
性孤癖如此晚歲窮困藉畫以給薪水其意氣亦復  
頽唐有感懷一律云一尊聊復寄吾眞書畫淪亡感  
故人

自注謂小  
松蘭坻

易散雲烟輕過眼難拋筆硯苦勞神

瀟瀟涼雨秋堂竹寂寂生涯病榻塵若箇江湖解閒  
意願從簑笠問前津讀之令人心惻著有冬花庵燼

餘藁湯黥山集資刻之

丹陽蔣璋字鐵琴居揚州畫大幅人物與瘦瓢齊名尤工指頭善歌城中唱口宗之謂之蔣派又呼之爲蔣謄子同上

伊齡阿字精一滿州人官侍郎書學孫過庭工詩畫法梅花道人巡鹽兩淮時於扇面畫梅花蘭竹稱逸品至今勒於石同上

錢塘康燕字石舟號天篤山人又號蓮蕊峯頭不朽人又號茅心老人畫山水花卉翎毛工白描善書法

方蘊山靜居論畫謂畫仕女無嫺靜之作時人康燕



石舟氏所製明姿雅度綽約動人好寫閒情賦及謝  
芳姿團扇圖能見本意

汪元麟字石恬休寧進士山水法梅道人以畫長隄春  
柳圖得名

同上

汪滌崖歙縣人畫學大癡嘗畫黃山圖於法淨寺之平  
遠樓

同上

吳璆字栗園歙縣人山水學黃子久生平有古君子之  
風居揚州汪貽士家其家有饒州景德土窑產秘色器  
與唐熊年三窑並稱謂之吳窑

同上

墨香居畫識璆字堯圃江西人寫山水出入元四家

法而以疎散簡淡爲主其用墨乾溼相參不見痕跡  
蓋得熟中熟法惟長於小幅若大幅則病其腕弱亦  
不多見也

湯密字入林通州人工詩畫竹法文與可號个中人上同  
如皋縣志密字入林又號个中人爲女史姜宜師工  
詩

謝野臣字庭逸其先河南邙州人徙家於宜興爲匡山  
隱者毛乾乾之壻明天文厯算之學而畫龍最神時周  
暉字銀來知不能居其右乃用紅金襯墨遂成惡狀上同  
身灌字曉山野臣子也山水多着色爲世所稱性尤精

巧北郊工段檔子用蒲包山石爲曉山所創

同上

國朝畫徵錄璚字崑來江甯人善人物花草龍馬其畫龍最有名嘗以所畫龍張於黃鶴樓標曰價銀百兩有臬司某者登樓見之賞玩不已曰誠須一百兩璚卽卷贈之曰璚非必得百金也聊以規世眼耳公能識之是璚知己也當爲知己贈璚非必得百金也由是遂知名然惟達官稱之其畫龍烘染雲霧幾至百遍淺深遠近蒸蒸靄靄殊足悅目畫龍以雲勝得矣第烘太過非大雅也

王濤字素行江南人移家揚州畫着色花卉翎毛有元

八筆意

同上

張四教字石民號宣傳臨潼人家揚州畫法得華秋岳

一派

同上

墨香居畫識四教字宣傳號石民甘泉縣諸生世本秦人商於揚遂占藉焉石民性冲素喜翰墨家舊法書名畫又多晨夕晤對遂能點染花卉以徐黃爲歸人物則舜舉以降步趨六如書法二王小楷尤妙平日不肖輕易涉筆故人得其片紙如拱璧云

年汝隣字寄濤號瘦生順天人居揚州畫山水好仿古人若營邱北苑諸派臨之頗能得其形似

同上

墨香居畫識年瘦生王臣家本勲業不樂華膺僦居  
邦上時忍飢僵卧未嘗有所干謁其作畫亦惟二三  
知己互相盤礴尤不可以貨取生平雅慕雲林子故  
落筆輒似之亦能詩嘗寫枯木竹石贈黃君煦堂云  
幾度行吟問水濱西風回首總無因年來筆墨皆拘  
束只寫溪山嬾畫人山水中不着人亦雲林家法也  
張賜寧字桂巖北平人作人物山水多不依舊法惟以  
氣韻過人着色花卉獨稱絕技牛培字因之天津人從  
之學畫大有師法

同上

墨林今語滄州張桂巖賜寧字坤一初遊幕於江南

後官通州管河州判僑寓維揚花卉人物靡不工而山水尤蒼秀渾厚超然拔俗曼生司馬評近日畫家以桂翁居椒翁之右識者是之桂巖兼善墨竹秀水蔣花隱詩有云此老畫竹喜畫節勁氣直欲透山骨其標格可想矣近顏老不能握管雙耳尙聰曰聽談諧評話爲樂

盦按賜甯字坤一號桂巖滄州人嘗爲邵伯巡檢幼習工筆王蓬心太守一見歎其筆妙於是授以六法以故山水花卉自名一子又工人物時在邵伯來鶴寺以求孫敬寫濟祖象佐以松石遂爲名作昔曾見

之鐵制府保督兩江途過邵鎮投刺往拜世論以爲  
榮年七十餘尙孳孳不倦所爲詩雅興畫稱行楷入  
包慎伯藝舟雙楫能品

余棟字東木長洲人工畫仿王石谷惜其時爲小師道  
人所掩

同上

周瓚字采岩吳縣人少學花卉旣成學界畫白描人物  
而大幅工筆山水出奇無窮遂成名家

同上

履園叢話瓚號采岩吳縣橫塘人工山水人物細逾  
毛髮用唐宋人法識者謂自仇十洲後無此種筆墨  
矣阮文達公爲浙江巡撫時常在幕府

墨香居畫識鼎字玉調號鐵簫居元和之修仙巷詩  
有奇氣見隨園詩話中畫工山水人物花鳥皆戛戛  
獨造不爲繩墨拘束至其白描大士像一筆縈拂縷  
縷若春蠶之絲而神采飛揚體勢靈動尤爲生平絕  
技性坦夷嗜酒與人交無城府不事生產不驚榮勢  
慕古人慎矯之風矢志不娶

方嵩字峙泉號桐庵徽之歙縣人工山水大幅小師老  
人不能出其右家資巨萬好畫不治生業遂貧無立錫

同上

吳嘉謨字虞三號蕙軒如皋人工蘭竹書法聖教序爲



人磊落有奇氣嘗遊京師書畫與野雲齊名後歸揚州  
主蔡志蕙家與之友善志蕙字艾山善畫蘭竹

同上

鑒按吳門顧南雅先生有題如皋吳蕙軒蘭竹冊三  
絕句云英多襟抱向誰開落拓都門酒一杯和氣寫  
蘭怒寫竹一齊都上筆端來我生託意在騷情湘水  
湘雲筦性靈悟得美人香草夢却從塵外寄幽馨空  
谷何年許共探禪心知是味醺醺記曾共話蘇臺月  
不在詩龕卽畫龕

汪鳴珂字瑤圃吳江人工書畫官知州

同上

墨香居畫識鳴珂字瑤圃弟鳴鳳字蘭圃其大父峻

墨香居畫說鼎字王諱別錢簫居元利之修仙老詩  
有奇氣見隨園詩話中畫工山水人物花鳥皆戛戛  
獨造不爲繩墨拘束至其白描大士像一筆縈拂縷  
縷若春蠶之絲而神采飛揚體勢靈動尤爲生平絕  
技性坦夷嗜酒與人交無城府不事生產不驚榮勢  
慕古人慎矯之風矢志不娶

方嵩字峙泉號桐庵徽之歙縣人工山水大幅小師老  
人不能出其右家資巨萬好畫不治生業遂貧無立錫

同上

吳嘉謨字虞三號蕙軒如皋人工蘭竹書法聖教序爲

堂先生從新安移居鶯脰湖畔建淡慮堂讀書其中  
瑤圃工書善詩早年卽見器於王西莊沈雲椒諸鉅  
公早得致身通顯而襟期洒落脩然高尚惟日與蘭  
圃校讐秘書研究畫理余過淡慮堂蘭圃畫山水兩  
幅瑤圃代爲題款語極撝謙而瑤圃妙墨至今未獲  
見投余又不能無望焉

袁慰祖字竹室長洲人工詩畫山水有王石谷之風

同上

黃勤敏公鉞畫友錄慰祖號竹室吳人未審其何縣  
工詩畫在倪黃之間嘗自跋其小幅山水云畫固不  
可無法若爲法固則乏天趣縱復端正不過習者流

耳要如李杜韓蘇乃爲大方家數余同年吳太守雲  
嘗自題其畫贈余云竹室靜者流天機淡無欲彈琴  
復詠詩畫法超凡俗當其潑墨時蟠胸山水線寸管  
噓青春盎然生氣足秣高數偏奇已矣風吹竹其人  
之清尙可見矣

胡量字眉峯長洲人工詩畫山水爲毛亭宿後一人王  
述庵司寇深契之

同上

墨香居畫識量字元謹號眉峯華亭人僑寓吳門工  
詩得程魚門指授又學畫山水於毛宿亭弱冠游京  
師客果郡王府并善騎射通醫理後乃歷游齊魯閩

粵間眼界日擴詩畫日進

又毛上泉字羅照號宿亭太倉州人乾隆壬辰進士  
爲戶部主事山水工而敏有前輩南華散仙風韻乙  
未春扈從南巡繪靈巖圖稱

旨與王宸臨摹宋元名蹟獨自成家惜中壽而卒

黃恩長字宗易號蒼雅長洲縣人工花卉

同上

又恩長字奕載號蒼雅長洲縣人上谷太守砥崖先  
生孫也其詩文得外舅王光祿西莊指授花卉宗法  
徐熙寫意人物則似吳小仙細者則學仇十洲尤精  
篆刻有敦好齋印譜及千頃堂書譜

錢東字玉魚嘉興人畫以花卉爲最工詩詞

同上

又東字景榮號袖海年二十七游京師其室人病亟  
遺以玉魚一枚故又號玉魚生雅善畫尤長詞曲書  
仿南田書亦似之少負豪俠氣中年以後棄儒爲賈  
絕口不談詩畫一日與袁竹室遇於維揚肆中相與  
讀畫論詩交成莫逆於是名噪一時欲求廢筆墨不  
可得矣

朱烜字丙南杭州人畫花卉山水尤工梅花

同上

潘恭壽丹徒人工山水花卉人物每畫必王夢樓題之

同上

又恭壽字慎夫號蓮巢少學山水苦無師承時王夢樓太守自雲南解組歸里以書家用筆之道授之其  
畫日進既婁水王蓮心宸過訪夢樓見其畫異之因  
授業焉蓮心授以宿雨初收曉烟未泮八字真言復  
取古蹟日夜臨倣畫遂大進蓮巢能詩故所畫皆含  
詩意兼工寫生濯濯如倚風凝露皈心淨土後又虔  
寫佛象出入丁南羽吳文中之間其畫格清遠得力  
於禪悅居多又時得夢樓題識故世尤珍重之

張焯字筠谷淮安人工花卉精於小楷石莊延之教其

徒同上

施胖子山陰人從繼父學寫真兼畫美人居揚州小秦淮客寓凡求其畫美人者長則丈許小至半寸許皆酬以三十金謂之施美人

同上

鄒若泉善畫人物山水以畫興教寺萬佛樓壁五百應真得名

同上

又鄒擴祖字若泉巢縣人僑寓金陵工山水花鳥而其寫意人物尤蕭散有致

巴慰祖字予籍歙人居揚州工八分書善畫收藏金石

最富

同上

畫友錄慰祖字予籍又字子安號雋堂又號蓮舫歙



人少讀書無所不好亦無所不能弃藏法書名畫金石文字鐘鼎尊彝甚夥工篆隸摹印時僞作古器脫手如數百年物雖精鑒者莫能辨能畫山水花鳥皆工然不耐綵染成幅者絕少人得其殘藁猶珍重愛惜之家豐於財坐不治生產日益貧晚出其書畫之副者猶賣千金好客別業在城中古槐里余爲紫陽山長時時相過從猶記同游黃山登始信峯令侍者吹洞簫予安倚聲而歌其樂可以忘死別未一年卒於揚州年甫五十

朱孝純字子穎號思堂漢軍籍父倫瀚工指頭畫得舅

氏高且圖法與錢塘李山平湖楊泰基齊名公詩字畫  
稱三絕以一水漲喧人語外萬山青到馬蹏前句得名  
都轉兩淮時復梅花書院修節孝雙忠諸祠皆其舉也

同上

袁枚隨園詩話孝純字子穎號海愚倫瀚子乾隆壬  
午孝廉仕至兩淮運使工山水作泰山全圖蟠鬱蒼  
莽不愧家風著海愚詩鈔

畫徵續錄倫瀚勝國宗室後隸奉天正紅旗漢軍籍  
康熙壬辰武進士曾官御史仕至都統指畫得其舅  
氏高其佩法喜作巨幀時稱爲優

又高其佩字韋之號且園遼陽人善指頭畫人物花木魚龍鳥獸天姿超邁奇情異趣信手而得四方重之官刑部侍郎

又李山錢塘人善指頭畫

平湖縣志楊泰基字瞻岳號海農平湖布衣山水宗馬遠蒼古簡淡尤善指畫

明新字春巖滿州人工詩畫爲泰州伍佑場大使爲朱公屬吏有虹橋待月圖

同上

張道渥字竹畦浮山人工詩畫爲人傲岸不羈官通州分司於郡城官舍書其門云楊柳江城臨畫苑梅花官

閣寄詩魂

同上

耕硯田齋筆記道渥字水屋號竹畦自號張風子山  
西浮山人官蔚州知州善山水工詩

余鵬冲字少雲工詩畫朱笥河太史翁覃溪學士皆稱  
其詩不讓古人年未三十而卒

同上

又鵬冲字少雲懷寧諸生山水不落時蹊詩古文亦  
佳尤擅詞曲年甫三十遽赴玉樓

程晉涵歛人工字畫善別古器

同上

童珏字二樹紹興人邃學工詩善畫梅所藏古今人詩  
文集殆備能精別古畫銅磁玉器金石錢刀足跡遍天

下以所蓄玩好自隨

同上

墨香居畫識鉅字二樹借庵子山陰人工詩善山水  
尤擅寫梅所著二樹山房詩略嘗爲沈泊村畫扇題  
云疎疎隄柳曳殘煙郁郁汀蘭雨遠天斜日半天雲  
半摺一竿山影落漁船水濶雲寒日落時蒹葭采采  
樹離離醉來有意無人會棹向中流讀楚詞其寫梅  
則有萬幅梅花萬首詩之句近卒於河南生平最喜  
古銅印章篋中纍纍數百顆也

程邃字穆倩號江東布衣又號垢道人歙縣人博學工  
詩文精金石篆刻鑒古書畫及銅玉器家藏亦夥善畫

山水純用枯筆寫巨然法別具神味工隸書爲人品行  
端慤敦崇氣節早從漳浦黃公道周清江楊公廷麟游  
晚年僑居江都文簡治春詩云白嶽黃山兩逸民謂遠  
與孫然也秀水曹侍郎溶過揚州作長歌贈之

同上

國朝畫徵錄遂字穆倩歙人自號江東布衣又自號  
垢道人博學工詩文善山水純用枯筆寫巨然法別  
具神味曾從漳浦黃公清江楊公所談論皆國家急  
要名公卿多折節交之其後曹侍郎溶過於維揚作  
長歌以贈感慨悲懷不勝俛仰末復勉其自重侍郎  
蓋心有傷也遂虛懷善下尤好獎譽韋布之士以故

人益重之善鑒別古書畫及銅玉之器家藏亦夥非  
得重直不售精金石篆刻

顧樵字樵水吳江人工畫嘗寫文簡平山堂詩摘星樓  
閣浮雲裏一傍危闌坐楚江爲之圖

同上

松陵文獻樵字樵水號若邪吳江人山水學沈石田  
入能品志尙冲素與顧有孝等並稱高人詩字畫人

稱三絕

李勉字嘯村安徽人能詩畫雅雨都轉高足也嘗爲都

轉作紅橋攬勝圖

同上

沈德潛國朝別裁集小傳勉安徽懷寧諸生其過

廢園有偏是關心鄰舍犬隔牆猶吠折花人以鄰犬之吠又傳出芳園之廢如畫家之用烘染也

高鳳翰字西園號南村別號南阜老人自稱老阜膠州人舉孝友端方爲歙縣丞雅雨都轉授爲泰壩官工詩畫善書法稱三絕後與都轉同被逮抗辭不屈事因得白病痺右臂不仁作書用左手號尙左生又號丁巳殘人愛硯著硯史自爲墳銘曰知其生何必知死見其首何必見尾嗟爾死生類如此後窮餓死都轉哭之詩云乞米鴻歸牋正裁俄聞訣去豈勝哀巫咸不爲劉蕡下縣宰誰迎杜甫來落落清華蘭社盡堂堂著作玉尊開



年來衰老愁傷逝況是凋零僅賸才最風流處却如癡  
顛米倪迂未是奇再散千金仍託鉢已輸一臂尙臨池  
殷生瀟洒談元日戴掾昂藏對簿時見說淮南傳故事  
遺文爭患少人知

同上

畫徵續錄鳳翰字西園號南村晚年自號南阜老人  
嘗自稱老阜膠州人雍正五年以生員舉孝友端方  
任歙縣丞被劾去官病痺右臂不仁書畫遂以左手  
感前人鄭元祐尙左因更號後尙左生其畫山水縱  
逸不拘於法以氣勝善草書圓勁飛動性豪邁不蓄  
一錢嗜硯收藏至千餘皆自銘大半手琢著有硯史

曾遊吾禾主馮司寇景夏司寇牧膠時舊識也乾隆  
癸亥年六十一自爲生壙

錢載字坤一號籀石浙江嘉興人工畫蘭竹以詩文見  
知於虞山相國舉經學及博學鴻詞科不售乾隆壬申  
成進士授編修歷官至工部侍郎著籀石齋集 同上

又載字坤一號籀石前明以貢生効魏瓘十大罪錢  
嘉徵之裔孫穎敏好學工詩善寫生遊都門恒軒爲  
其子延主師席因得親其點染筆法益進又號葛松  
居士學問淵懋品行修潔其畫得法於南樓老人而  
間出新意筆甚超拔尤工蘭竹

墨香居畫識齋字中也與江橙里同里畫仿倪高士  
尤精金石之學

徐柱字桐立號南山樵人徽州人工畫得小師嫡派

同上

又柱字石滄新安人游邗上館於江橙里家工詩善  
山水嘗自畫南山樵隱圖點染精妙題者甚衆

黃大笙字詩六精音律能左手臨孫過庭書譜作反字  
背觀豪髮無異自出新意白描水滸傳人物

同上

程振鷺字里門號春渠杭州人工詩畫亦工隸書

同上

吳之黼字竹屏歙縣人官按察使工詩畫蘭竹

同上

墨香居畫識之黼號竹屏前觀察武黃時遇於鄂渚

其表弟熊君楚香出示所寫蘭竹冊及小幅水墨山水灑脫老到信爲能手

周叔球工畫白描美人得名長隄春柳位置林亭皆出其手未逾三十戀一女妓鍾情而死

同上

張洽字月川浙江人工山水有大癡神理晚年買山棲霞畫家多從之遊

同上

墨香居畫識洽字月川毘陵人墨岑姪山水得其筆法王光祿西莊贈詩有袖中亦有五岳圖墨翁遺法依稀是之句是已袁竹室云月川筆意蒼秀丰骨珊珊中年遊於藩邸縱觀秘玩晚契禪悅一寫性靈近

聞結廬樓霞山中不入城市久矣

汪灝字右梁號竹農歛人性古雅工詩畫家蓄古人名蹟極富交游皆一時名士西園曲水卽其別墅也

同上

康以寧字靜之錢塘人石舟子性磊落爲人直率工詩畫好飲酒立飲可千鍾

同上

方薰山靜居論畫石舟子凱之年及冠畫九歌亦妙

張蘭字芳貽臨潼人善畫與方士庶齊名

同上

張世寧工畫山水倣宋人

同上

張四杰字偉堂畫花卉翎毛

同上

汪俊字傑士號碧峰歛人蕪湖籍工詩畫

同上

王鏡香名肇基嘉興人工畫

同上

畫徵續錄嘉禾梅會里王斌字師周曾爲予寫戴笠  
小照甚肖筆意淡遠于肇基號鏡香傳其業力欲復  
古志士也

陳沅字禮山山陰人工花鳥專法新羅山人

揚州畫苑錄卷四

儀徵汪鏊研山輯

方邵鶴原博桐城籍居江都仙女廟官泗州學政以事  
謫戍口外後歸從徐激齋太史葆光冊封琉球著航  
海生涯集其詩畫及八分書皆擅能一時

阮文達公  
廣陵詩事

凌又蕙晚學畫於方爾張其佛像山水亦似爾張而有  
出藍之譽其道乃大行於維揚

讀畫錄

朱霞字耕方廩貢生學問淵博嘗應鄂爾泰聘訂南邦  
黎獻集後選高郵訓導以老乞歸豪興不減與諸名  
士唱和無虛日主壇坫者前後四十年善書尤工繪

事著色寫生得徐熙筆意著有一拂樓集

婁縣志

顧藹吉字天山號南原長洲人山水宗法元人遊京師

爲宋駿業王原祁兩侍郎所稱賞以貢生纂修得儀

徵縣學博精繆篆分書著隸辨行世

畫徵續錄

汪南鳴新安人僑寓維揚能詩善畫方南塘貞觀有觀

汪南鳴江山烟雨圖題寄程風衣長古

墨林韻語

黃照字煦堂歙人善山水僑寓維揚其叔秋山嘗出示

煦堂畫幅墨暈融和神采飛動別具疎秀之致

墨香居畫

識

蔣宗海字春農丹徒人壬申孝廉連捷進士內閣中書



馴雅賅博聲著日下工詩能篆刻又善丹青具蕭疎  
古淡之趣不屑蹈襲畫家窠臼年甫四十乞終養歸  
里吟詩作畫以自娛主梅花書院多年著有春農吟  
藁

同上

嚴鉦字香府嘉定縣學生乙酉進山水畫冊十二幅每  
幅自製江南好詞二闕於後蒙 恩供奉香府丰  
姿韶秀舉止安詳雖處下僚恒有鶴立雞羣之概其  
畫山水筆意挺拔乘興搗洒動與古會今爲白駒場

廂官 秦州志

宋葆淳字帥初號芝山山西安邑人祖在詩爲蜀中方

伯父鑒爲州牧芝山幼而穎異長而能文以優貢入  
成均充八旗教習丙午北闈登賢書授隰州學正旋  
告歸素善六法初亦率爾弄筆比至京師見聞大擴  
作山水蒼秀嫺潤幾自成一家性通脫好遊每一興

思襍被便行

墨香居  
畫識

王鳳岡號竹塘華亭人嘗僑寓邗上後入粵東能以指

墨寫松極其蒼秀

同上

吳叔元字思堂又字思翁休溥人流寓儀徵終於如皋  
寫山水筆力蒼渾亦能詩歿後程司馬化鵬爲之立  
傳言其性情孤迥行誼修潔蓋不獨以藝傳也

同上

鮑皋字步江號海門丹徒人工詩善書少孤貧無以養  
母挾詩游江淮間所至輒傾其名宿博陵尹公會一  
守維揚一見大奇之爲之延譽且厚遺其母曾舉鴻  
博咨明大府馳檄交徵疾劇不克赴尹公深惜之父  
歿字天民善丹青舉用其法爲禽魚花竹超妙入神  
沈瀛字朗亭吳江人嘗僑居揚州工寫蘭竹

同上

潘徵字鏡如號冰壺山人新昌人居江都尚義氣落落  
寡合工畫嘗從龔半千遊著有晉奕堂草

江都縣志

呂潛字半隱四川遂寧人崇禎十六年進士值蜀亂播  
遷四方後偕弟澈僑居泰州工詩文書畫人得其尺

幅皆珍之

泰州志

張恂字穉恭陝西涇陽人崇禎十六年進士工詩古文

又善畫居江都最久

江都縣志

何鐵字龍若京江人僑居泰州工詩善畫揚人重之

泰州志

志

汪洪度字于鼎歙人工詩字善畫寓居揚州王文簡公

司理時觀風以早雁詩錄第一有息廬詩一卷晚年

歸卧黃山著黃山領要錄弟洋度並有名

江都縣志

王子卿澤字潤生蕪湖人辛酉翰林典試滇南出守徐州調江右移疾歸與左田尚書師生而兼姻戚最相

契合有聯吟合作諸圖擅山水精篆刻尋張于湖舊  
居及吳波亭故址葺希古園與江鄉耆舊嘯詠其間  
侯觀白贈聯云石湖居士范成大鑑曲詩人陸務觀  
子卿山水余見吳王松侍御處一幅筆墨古厚得廉  
州思翁神髓絕去町畦卓然高手

墨林今話

鑒按先生於道光辛丑來揚州寓天寧寺鑒曾倩畫  
墨筆寫栗扇時年將八十矣

甯化伊墨卿太守秉綬乾隆庚戌進士官揚州府知府  
文學吏治爲江左所推尤以篆隸名當代勁秀古媚  
獨創一家楷書亦入顏平原之室間以餘瀋爲水木

雲巒不泥成法妙有古金石氣溢於楮墨間然流播  
絕少乞其畫者作墨梅居多潘榕舉農部題太守秋  
水圖圖云疎籬短竹影橫斜小築偏宜傍水涯那得  
扁舟便乘興看君潑墨寫梅花王椒畦詩云墨卿作  
書亦如畫筆墨之外能通神其爲名流推重如此上  
全椒吳山尊學士毓嘉慶己未進士以詩古文詞名主  
講揚州梅花書院先生通畫法與白門張雪鴻大令  
交甚洽嘗贈以詩有乞君墨戲妙資我筆皴缺之句  
故畫亦大略似之爲湖程山人東曾見其設色荷花  
及水墨牡丹謂其筆意清挺近陳白陽山水則近趙

臺余僅見其擔花圖便而極超脫之致自題云碾盡  
香塵廟市車那知秋在野人家長安酒價高於米我  
賣奇文爾賣花

同上

錢塘屠琴鵬太守倬字孟昭晚號潛園嘉慶戊辰進士  
入翰林改官江南儀徵有循聲以知府注選籍道光  
初年起爲江西袁州府調九江府皆以病不赴家居  
數年卒於揚州旅次太守工詩古文旁及書畫金石  
篆刻靡不深造宰真州日教民用桔槔溉田又備湖  
鄉老嫗數輩課民間婦女蠶績元和朱酉生作儀徵  
令樂府越數年去官始於他處見之兩人初未識面

及此訂交詩有是程堂集風骨清矯在坡谷間隸篆  
行楷皆妙絕山水沈鬱秀渾直追前人雖其自言老  
鐵所授要其筆墨之外別具神解得於天者居多兼  
善花卉蘭竹而題句尤雋妙可人

同上

朱浣岳沆字達夫大興籍浙之山陰人任兩淮泰州分  
司書畫並擅兼工詩其畫水墨人物山水雜品下筆  
風捷尤宜大幅余在平湖曾見寫意八駿圖巨幀縱  
逸雄偉脫去時史蹊徑應推北地第一手亦長墨竹  
幽篁叢篠颯然以清得晉孔孫遺韻

同上

鑒按沆字浣岳紹興人籍大興道光二十一年任泰



分司釐剔積弊周恤商竈性豪縱喜觀劇善畫大人物尤工畫馬曾寫百駿圖上某邸愛而收之性喜畫壁如湖上桃花庵城外香阜寺城內萬壽寺或人物或馬不一類尤妙城南真一堂旣寫離騷十二幅又於黃鶴樓壁畫十弟子極有風骨望之飄飄欲仙最善墨竹長枝大葉渾灝淋漓而魄力極大自乾嘉以來罕有其匹年六十餘歿於官署

滄州張傳山百祿桂巖別駕子安豐巡檢僑寓揚州畫山水花卉克傳家法曾於吳淞郡署見秋花圖一幀蒼老淡逸在白石白陽之間又見二絕其春夜宿邗

上望雨云誰道蕪城人易留益人惆悵是揚州客窗  
一夜催花雨春到江南第幾樓水仙云水肌玉骨淨  
生香開趁晴窗一綫長絕似佳人薄脂粉黃冠初學  
道家妝弟百穀字仲山亦工山水

同上

張振字春蠶傳山參軍子也工山水花卉爲河工主簿

同上

盜聞孔宥函太僕云昔潘雲閣河督極賞春樹畫以  
所畫山水懸座右一日指謂客曰此畫之妙全在此  
瀑布得勢如有聲者然客笑而對曰此畫若懸他處  
皆宜獨不可懸於河督署中河工以安瀾爲善若似

此水之奔注是瀾不安矣公默然

湯樂民祿名貞愍公第四子克承家學畫善白描銀鈎  
鐵畫雅近李龍眠尤工設色仕女以舊紙爲之明姿  
雅度得靜女幽閒之態其餘花石禽魚隨手點染亦  
皆入妙今以分轉需次兩淮非其志也

同上

何太守鐵生名金壽湖北江夏人同治壬戌榜眼爲侍  
御時分別直省督撫優劣劾之光緒六年出爲揚州  
知府和平公正愷惻慈祥其時上游以查禁開設洋  
煙館者押令閉歇甚有未及閉者輒毀其屋一郡惴  
惴公蒞任悉置之謂不禁外而禁內民何事哉爲政

清簡暇則從事筆墨所寫蘭竹石豪縱奔放有不可  
一世之概而題畫諸作尤覺入妙曾爲前都轉方子  
箴方伯畫梅扇題短古云羅浮夢峨嵋雪二分還看  
揚州月柯如石心如鐵歷飽冰霜歷晚節東風一笑  
天爲春千枝萬蕊鬪清新我來東閣相依傍始信孤  
標迥出塵又一絕云回首羅浮四百峰天風海水合  
萍蹤夢醒海水知何處眼底雲山一萬重次年七月  
以患瘡卒於署臨終自挽一聯云伏枕澄清愧官守  
騎箕毅魄掃欃槍匾云何以家爲

拙補

朱子庚字秋舫浙江人道光二十二年蒞甘泉縣任爲

政清簡縣試終場量其考童貧寒酌送旅費前此所未有也工畫梅清氣大來極有風韻

同上

錢慶恩字石葉嘉興人錢文端公裔也官江都典史爲人美鬚眉宏飲量善花卉不媿籀石翁家法

同上

楊石卿鐸自號石道人河南商城人天資穎異酷嗜金石之學少歲卽遍游齊魯燕趙吳越江漢尋碑訪碣孜孜不倦結交多勝流名士高談雄辯徵逐於酒旂歌板間頗有晉人風味善花卉下筆俊爽迅掃疾馳數十幅立盡有李復堂黃癭瓢逸趣同人咸推重之

墨林

今話

鑿按石卿與鑿交極親每過揚必至舍出其所得金石拓本互相印證爲余畫扇冊甚多有逸氣而無俗氛不愧名士之作客吳門度歲有見懷云良宵聽雨對疎燈走馬投詩得未曾劇飲江城高士過狂談海國少年憎松盆燕火香芬郁石鼎烹茶水沸騰爲乞天公晴更好探梅同蹋郭西塍逾年得權震澤縣令到官未一月竟卒任所身後蕭條藏儲皆散失

長洲楊補凡昌緒善山水兼長仕女花卉爲石林散人館甥嘗入蜀佐福郡王戎幕至苗疆飽覽山川奇勝畫益工旋游武陵客娉媛仙館與諸文士習自畫鳳

鳳山下讀書圖題詠殆遍因又號鳳凰山樵其畫山水於森秀中見渾厚每引蓬心道人語云畫到古人不用心處乃有佳趣曩於子仙孝廉處見其水墨小冊子仙題云補凡從西湖歸來視余疾余買菜作羹相約共飯羹未熟而補凡畫興忽動點墨成此大得元人亂頭粗服之致後僑寓揚州小秦淮性喜揮霍雖入千金不數所出往來吳郡未幾歿

同上

吳才甫榕字蓮叔歙人某科進士官揚州府學教諭工畫梅饒有宋元風韻然非其人而畫不輕與其弟四

子幼蓮亦工寫梅

同上

盤按幼蓮名希齡盤執友也工詩善飲性豪邁嘗與  
邑名士范膏庵羅茗香葉酒生文用和金雪舫王石  
屏王毓卿輩聚飲於紅橋酒肆聚必豪飲凡歌詩度  
曲聯韻猜枚盡醉乃散月必半之尙嫌其寂也曾於  
法淨寺殿東廊壁畫梅一株縱橫數丈千花萬蕊偃  
仰橫斜曲盡畫梅能事觀者駭然亂前以愛回里後  
出止於杭州比亂隨王中丞守杭城城陷與同邑程  
觀察鎮北儀徵王明經句生同殉難時年方五十餘  
也有詩藁一卷今存揚州福因庵蓮溪和尙處

諸所字春巖錢塘人少家貧未能肆志乃弃儒學畫從



張秋谷遊究心六法深得其奧工人物花卉與兄崎  
峯同游揚州名躁一時 桐陰論畫三集

萬嵐字袖石鹽城人工山水花卉人物尤以寫照名於  
時其法全取虛神先以淡墨水渲染追色染後凡眉  
目口鼻純以焦墨鉤提又於滿面細加皴擦近視則  
斑痕交而遠觀則精神煥發意態宛然尤能化俗爲  
雅凡市井屠沽一經妙繪靡不氣度彬彬嘗謂傳真  
一道全從算學悟入雖不及寸之臉皆隱有三角八  
綫之法運乎其中然後部位乃準無論長短肥瘠悉  
操此術以寫之乃能百無一失又善壘石郡北寶佑

城袁秋岳新構容與山莊庭中三峯嵌空玲瓏離奇  
突兀秀韻自然恐張南垣亦瞠乎在後咸豐己未冬  
仲姚君仲海延至泰寓所寫數十照鮮不畢肖又爲  
家冰臣司馬補少壯三好圖行筆秀整雖專工人物  
仕女者亦所不逮歸鹽城逾年卒時年七十外也補拙  
沈唐字樹堂號蓮舟錢塘人國學生工韻語喜皴染雖  
曾得指授於奚鐵生而筆致蒼渾尤近婁東一派今  
僑寓吳門又得雪樵散人講究畫理藝學益進墨香  
居畫  
識

祝同治字杏南錢塘學生工書善山水曾寫小冊一片

墨氣甚佳具似能不能之意

拙補

李述來字少仔常州明經工書善墨梅翰圈皆連濃墨

自成一格別具風韻年九十餘精健如五十許人

同上

徐峨字我山徐州人善書譜工山水率仿米氏父子而以攢點成之惜微失於獷獷絕無甜俗之蔽又擅拳

勇

同上

陳清遠字藁仙錢塘人工仕女婉妙清逸爲時獨步館

於黃氏棲雲山館甚久

同上

沈襄琴忘其名錢塘人藁仙弟子也亦工仕女

同上

楊銀字次雲錢塘人工山水

同上

李譽字永之丹徒人工山水花卉早年甚有名譽晚景

頽唐終於焦山自然庵

同上

李文安字逸齋丹徒素封爲人慷慨好施予喬勤慤公  
辦江北糧臺籌餉等務倚爲左右手同治末蕪湖及  
江北兩岸圩田全沒於水君出萬金築如前至今民  
猶賴之少工花卉渲染鉤勒取法南田嗣君韵亭出  
示所作扇面十餘張乃得著之

同上

潘圭字鎮卿丹徒人畫世家蓮巢姪思牧子也工山水

惟師小米能續家法

同上

朱齡字菊垞又號黃花道人上元人性豪放嗜酒工寫

意花鳥放筆恣肆墨花飛舞炊黍可成數巨幅蒼莽  
中別饒韻致久於清江浦嘗於廣蔭庵壁寫清奇古  
怪四老木天矯離奇尤膾炙人口

同上

汪采字蓉洲休甯人工花卉有夢硯圖在揚州廣徵題

詠

同上

朱穀昌字稻生六合明經工山水簪拙修詩存內有題

王蓬心山水七古頗得畫中肯綮

同上

郭嘉桂字嶺生全椒明經工畫

同上

王章字雨嵐上元諸生工書善畫許海秋先生稱其不

謬於古而日務爲班馬韓歐之文骨尤簡秀詩兼衆

體所涉者深有吐納萬象之勢雖題畫之作亦必蒼

厚咸豐十一年卒於泰州

同上

胡覺之徽之黟縣人同治中來揚州工山水人物曾於

廣儲門外史閣部祠壁寫湖石一由吾友歸安凌霞

銘焉

同上

黃靖宇峴亭江西人以父官河工遂居清江浦以捐職  
得保知縣爲今刑部尙書張公子青門生工畫山水  
親受尙書指授所造甚深惜微乏氣韻又工八分書  
光緒庚辰晤於淮壩節署相得甚歡時爲予畫扇數  
柄歎其弗及又搽淮城古專百十數品倩寫淮壩訪

璧圖又成古專錄二卷鑒皆序而題之光緒八年卒

時年未五十也惜哉

同上

祝麒字幼蘭仁和人官江都縣丞工花卉

同上

閔襄字小白安徽籍兩淮候補經歷工花鳥

同上

楊翰字海琴直隸人道光二十五年乙巳翰林官湖南

辰沅永靖道考據金石討論書畫文詞歌詩靡不登峰

造極友人携畫索題余與先生有知己之感樂於從事

做蓬心小品筆意恬雅皴染鬆秀有出藍之美不獨書

法之足傳矣

桐陰論畫三編

鑒按先生又號息柯居士同治己巳道出揚州命彭

姓訪余隨晤於缺口舟中一見如舊相識所論金石  
書畫皆超逸絕倫爲題十二硯齋圖卷又贈以楹聯  
入京後埤海船舶歸襄不獲相見自是書翰往來年每  
數次並道余於同寅太倉陸君星農陸君雅好金石  
遂以新出拓本并函先施互相討論蓋先生所介紹  
也著有抱遺堂集詩八卷文二卷小東題跋各二卷  
又粵西訪碑錄二卷先生逸才絕俗骨秀神清金石  
書畫俱能深入腠裏言皆得當不獨一時無其匹也  
罷官後遊粵歸浯溪不逾年卒光緒己卯年六十八



方外

顛道人江甯人流寓揚州善飲酒醉後作畫任意揮灑  
山水花卉皆有奇趣

揚州畫舫錄

畫徵續錄道人畫有奇趣人問其姓名不答因呼爲  
顛道人後見乞其畫者漸多遂去不知所終或曰道  
人姓胡

董愛江揚州竹枝詞有顛頑道士酒葫蘆潑墨狂來  
捉筆粗行樂至今傳不朽出門圖與上天圖謂道人  
也

釋道濟字石濤號大滌子又號清湘陳人又號瞎尊者

又號苦瓜和尚工山水花卉任意揮灑雲氣迸出兼工  
藥石揚州以名園勝名園以藥石勝余氏萬石園出道  
濟手至今稱勝蹟焉 同上

畫徵續錄道濟字石濤號清湘老人又號大滌子又  
自號苦瓜和尚又號瞎尊者前明楚藩後也畫兼善  
山水蘭竹筆意縱恣脫盡窠臼晚遊江淮人爭重之  
一時來學者甚衆今遺跡維揚尤多吳肅公謂師畫  
睥睨古今橫溢矩矱王麓臺司農謂大江以南當推  
石濤第一予與石谷皆有所未逮

道存字石莊上元人工畫善吹洞簫以查二瞻爲師所

與交皆名家其徒西崖竹堂古濤皆工畫孫甘亭畫如其師又甘亭之徒善田字小石善彈琴工畫側柏樹上同

釋方珍字席隱號小山居城中地藏庵工詩畫陳古漁所知集謂其作畫不讓古人

釋篠衫揚州老衲寫竹得板橋法亦善花卉

釋清月字品蓮號藕船道人梵行孤高善琴工詩尤精蘭竹

復顯字夢因號雪廬海鹽人能詩兼善雲林山水主揚州建隆寺著雪廬詩草四卷蔣心餘太史爲之序

方華字種香爲新城馬神廟僧善書專法聖教序工寫

梅兼精花卉超逸絕塵無纖豪蔬筍氣習與魏樹九  
王古靈等頡頏上下揚州僧畫清湘道人而外此爲  
之冠

拙補

明辰字問樵爲城北建隆寺方丈以琴名大江南北工  
草書爲包安吳一派間寫梅饒有逸趣

同上

了然字訥庵曾爲平山堂方丈工花卉善八分書爲吳  
筱莊畫弟子

同上

思義字芷庵爲城北龍王廟僧從吳筱莊學畫蘭竹綽  
有可觀

同上

馨山忘其名興化人爲城東萬壽寺方丈工草書善花

卉 同上

真然字蓮溪興化人道光二十四年同歙人汪仰霑來揚州始廬衆香庵一日吳幼蓮司馬過候見蓮公畫盈丈人物不用朽槁落筆穩成遂驚爲絕技遍游揚於紳富間於是知蓮之名而乞畫者衆因留揚州嗣汪遷福因庵又與之俱徙揚州羣畫友不服屢邀畫會排擠而卒不能臧居庵不數年又同汪至徽州頗多遇合又獲遊黃山因亂始歸在泰州逾年乃回揚時外省求畫者益夥矣六十外率以蘭竹應求光緒十年示寂時年六十九鑒與交最久有跋所畫蘭卷

一則增載於此而蓮之筆墨大概可知其跋云書畫  
本一脈而蘭竹其尤近也以書法爲畫筆是故縱橫  
變化靡不生動而有氣韻師畫此卷初似畧不經意  
而其用筆則取逕黃庭有靜穆之度至形似又合趙  
文敏文待詔兩家模範秀韻天成風神婉約非蘭竹  
專門名家者所能喻也余交師垂四十年師之畫殆  
由天授其寫盈丈仙佛初不具蒙濡墨卽成無不穩  
當入理至其禽魚花卉其餘藝耳中年游宣歙躋黃  
山居文殊院卅月凡其峯巒出沒離奇杳渺不測之  
狀一一具於胸次又得縱觀歛之故家宋元以來諸

名跡以故下筆兀岸蒼老冠絕一時奈師以畫爲生計苦被俗侶所纏不得不舍古法俛就時趨大爲具眼者所疵議若今以此卷示吾知羣喙自然嘿爾矣信夫張子青尙書之論師曰迄今南北諸畫家有能如師之無體不備者乎平允之論出自搢紳先生而師之聲價定矣願嘗以此卷示世之好爲妄言者然亦恐不能知其神妙也噫

同上

閨秀

王正字端人江都閨秀善畫花草布置工穩能詩受知於徐大宗伯倬後入都馬相國齊延之教其女

端人幼攻書史長嫺詩畫爲閨閣上流一時貴遊爭委禽不得而歸吾友李子若谷琴瑟相調每月白風清倡酬不輟其秉性淡泊婦德尤爲過人

慎墨齋詩話

方畹儀號白蓮居士歙人石村宗伯孫女江都羅聘室人善梅花蘭竹著學陸集白蓮半格詩

淮海英靈集小傳畹儀字白蓮江都羅兩峯之室也兩峯以畫名於時白蓮亦能畫梅竹石熟於史事每



晤姊姒輩陳說古節孝事娓娓弗倦年四十八卒病  
時兩峯將遊京師爲集唐送之云病得清涼減四肢  
膏肓終恐誤秦醫自知死亦人間事多是秋風搖落  
時回首那堪此別離雨昏輕浪挂帆遲病中不用君  
相憶夜夜孤眠枕獨欹著有白蓮半格詩

張淨因名因甘泉黃秋平室也工詩畫著淑華集

淮海英靈續集小傳字淨因名媛詩話云夫人精天  
文之學兼工繪事與秋平迭相唱和人比之沈方舟  
朱柔則晚年孔經樓迎住西湖節署與劉文和謝月  
莊唐古霞爲吟侶及歸揚夫人暨子輦詩筒往還嘗

過曲江亭上其綠秋書屋集孔夫人刻之予謂淮南  
名媛綠淨後有晉人矣

蔡文羅含嘗學繪事工蒼松墨鳳山水禽魚花草與金  
曉珠稱兩畫史皆冒辟疆姬人吳茵次謝女羅畫鳳  
啟云借丹穴之靈毛圖成比翼用紅窗之偶影繪作  
雙棲錢武子德震張孺子圯授皆有墨鳳歌戴洵有  
德全堂觀畫松歌

廣陵詩事

金曉珠名珙崑山人與蔡文羅侍辟疆蔡早逝爐香茗  
椀辟疆賴之嘗刲股進藥使七十八老人再生汪舟  
次楫跋巢民楷書洛神賦曉珠手臨洛神圖後云玉

峰仙子畫嗣虎頭金粟後身書工蠶尾置兩君於異地並可空羣聚二美於一堂斯稱合璧吳蘭次又有乞曉珠畫洛神啟題曉珠盜盒圖臨江仙詞

同上

陳爽軒江都女士也楚人黃鬯圃室工詩善畫嘗作秋海棠調脂殺粉吹氣可活其春夜雨窗云雲偷三鼓

月風嫁一園花

同上

員琳字道頤周南先生第八妹也能詩工畫著奩餘集古渡詩評適岑山程存仁甚窮乏卒後周南於書肆書角上見其二小印作詩弔之

同上

柏盟鷗字映潭江蘇揚州人善丹青工絲竹著有柏潭

詩鈔

韓矩柏潭詩鈔序廣陵閨秀柏盟鷗乃余友沈中垣  
之甥女有奇氣於技藝無所不嫻而尤工於絃索點  
染丹青爲山水可以亂董北苑之真至漁獵家所藏  
書自四子五經而外以及古史綱鑑左國秦漢諸子  
史之類一二皆洞悉其旨旁及騷雅辭賦無不窮微  
詣粹日漸月積有詩成帙頗深自韜晦不肯輕示人  
陳素素江都人自名二分明月女子萊陽姜學在之姬  
美而豔能畫又善度曲名流吳蘭次毛西河余淡心  
諸公俱有詩好事者有譜其事爲秦樓月傳奇卽此

也

同上

顧瑞麟字六昭自署角里畸人甘泉人能文章工繪事  
適任生五年失偶矢志三十年自焚詩藁其父執張  
存仁得未燼數章刻之

同上

吳正肅字靜嫺江都人黃履岳室吳玉坡有舊識吾宗  
女畫師墨痕蕭瑟自矜奇之句竹淨軒詩話云靜嫺  
看白菊云傲乃成貞骨香能愜素心十字足覩胸次  
聞適黃後廿年未游平山閭範足風已

墨林今話

朱蘭字清畹甘泉人程綺堂室著夢香集清工畫得袁  
竹室之傳專工近體格調風神超然拔俗與王碧雲

酬和最密善花卉栩栩有生氣

同上

江秀瓊字瑤峯晚香中丞女如皋諸生張仰齋室著椒花館集名媛詩話云夫人工詩書善畫精琴理吾黨

韻士也

同上

戴嬌鳳揚州人工書畫善針黹時人甚稱之

同上

孔夫人璐華字經樓阮文達公繼配幼嫺詩禮兼工繪事于歸後受封一品所撰詩數卷內有恭迎

宮輦七律一首及題石室藏書圖飼蠶紀事冬日雷塘

墓廬有感皆一時偉作

阮亨瀛舟筆談

劉文如字書之阮文達公側室也工繪事惜不多作

同上

唐慶雲字古霞阮文達公側室也工花卉蟲魚曾見所繪冊一本用筆沈細賦色妍妙深得甌香真諦著有女蘿亭詩集

批補

劉縈縈字澗芳阮文達公媳觀察小雲元配寶應端臨先生女也工詩善畫嘗擷取擘經室詩句分寫十六幀清疎穠厚各極其能細沈婉文分稱其句非淺見所能測其涯涘也曾於文選樓親見之

同上

謝月莊名雪長州人瑯嬛師姬人也善畫花卉嘉慶丙寅余過揚州師以所寫放翁白菡萏香初過雨紅蜻蜒弱不禁風詩意團扇見贈曰此第二團扇也

陳文

述畫林新詠小傳

月香墨香並廣陵名姝受畫法於家曼生曾以墨蘭合

幀乞余題詩

同上

王湘霞廣陵人周芸皋觀察側室工詩善畫風枝雨葉  
得桂英女史之傳

同上

許慧字定生幼通琴理工寫蘭又善人物山水花卉寫  
真無不入妙適蘭溪鄭大令潮爲繼室三載而孀仍  
依母住揚州維揚閨秀之喜琴畫者咸願與遊且重  
其節也

墨林今話

鄭蕙字懷蘇又字荅仙儀徵人適山陽程作人寄居揚



州工花卉仕女賦色妍妙又工詩詞咸豐三年城陷  
自刎不死作絕命詞二首云一死未能求九死須遂  
志哀哀寸草心自裁服何辜骨肉如雨散恩情圖報  
難只將數行泪留與後人看又滿庭芳詞留待作人  
夫子用徐君寶妻韻云三月烟花二分明月香車陌  
上如流變來今日犀甲帶吳鉤何日王師雨洗長  
驅入迅奮貔貅危城裏天荆地棘不是等閒愁長  
淮三百里回頭一笑夢也休休幸分飛兩地翻謝河  
洲自顧此身安寄問前生著甚來由只留得青燐碧  
血何處十三樓

劉蘭字仲咳大興人爲寬夫侍御長女錢唐吳竹言學士配也工詩文善書畫工翎毛花卉雅有氣韻不以工整擅長子允徠善四王山水以筆法墨法勝蓋全得之母教也今官兩淮分轉

拙補

劉玟字未采亦寬夫侍御次女爲喬勤恪公松年原配天性慈祥和平敦厚咸豐間運署僑寓泰州其時蘇常失守難民播遷至泰者無慮數千家夫人暗中使人就其極貧者陰周濟之雖老無子視爲淡然所作山水花卉具有南樓老人遺意同治戊辰同勤恪從陝西歸不數年歿於泰州旅次時年未六十也

同上

黃之淑江都人工畫蘭竹花卉

同上

黃麗珠字雲閣江都人工山水朱春舫觀察柏舟風雪

圖小照景是其所補

同上